



Trg pravde 10, 76100 Brčko distrikt Bosne i Hercegovine; web: jt-brckodistriktbih.pravosudje.ba; tel: 049/217-227; faks: 049/219-088; e-pošta: [jtbd@jtbd.ba](mailto:jtbd@jtbd.ba)  
Трг правде 10, 76100 Брчко дистрикт Босне и Херцеговине; web: jt-brckodistriktbih.pravosudje.ba; тел: 049/217-227; факс: 049/219-088; е-пошта: [jtbd@jtbd.ba](mailto:jtbd@jtbd.ba)

**Broj: T18 0 KT 0014772 20**  
**Brčko, 12.11.2021. godine**

Na osnovu člana 35. stav 2. tačka i) i člana 226. stav 1. Zakona o krivičnom postupku Brčko distrikta BiH, podižem

### **OPTUŽNICU**

**Protiv:**

**E.P. [...]**

**Što je:**

Dana 12.10.2020. godine, oko 17,00 časova, u mjestu Brezovo Polje broj ..., Brčko distrikt BiH, došao u dvorište porodične kuće A. I. i prišao putničko motornom vozilu marke „Alfa romeo“, plave boje, registarskih oznaka ..., vlasništvo A. I., u kojem se na mjestu vozača nalazio A.I., a na mjestu suvozača J. M., pa u namjeri da ošteti vozilo, E. P. je metalnom šipkom razbio prednje vjetrobransko staklo na vozilu, čime je A. I. oštetio za novčani iznos od 140,00 KM, nakon čega je došao do vozačevih vrata, ista otvorio i u namjeri da A. I. i J. M. tjelesno povrijedi, prvo zadao A. I. više udaraca metalnom šipkom u predjelu ruke i tako mu nanio lake tjelesne povrede u vidu nagnječenja desne nadlaktice u donjem dijelu i razderno – nagnječnu ranu sa otokom u području lijevog lakatnog zgloba, pe je i J. M. koja je pokušala da zaštiti A. I., zadao udarac metalnom šipkom u predjelu ruke i nanio joj laku tjelesnu povredu u vidu nagnječenja desne šake i desne nadlaktice,

dakle, drugog lako tjelesno povrijedio i oštetio tuđu stvar,

čime je, počinio dva krivična djela –Laka tjelesna povreda– iz člana 170. stav (1) i krivično djelo –Oštećenje tuđe stvari– iz člana 287. stav (1) Krivičnog zakona Brčko distrikta BiH, a sve u vezi sa članom 54. istog Zakona.

---

Preduzimanje radnji krivičnog gonjenja prema određenoj osobi ne znači da je ta osoba zaista i odgovorna za počinjenje krivičnog djela. Prema principu presumpcije nevinosti, svako se smatra nevinim za krivično djelo dok se pravosnažnom presudom ne utvrdi njegova krivica

---